



ԲԱՐՁՐԱԳՈՅՆ ՀՐԱՄԱՆ

ՀԱՅՈՑ ԵԿԵՂԵՑԱԿԱՆ ԿԱԼՈՒԱԾՆԵՐԻ

Ե Ի

Դ Պ Ր Ո Ց Ն Ե Ր Ի Մ Ա Ս Ի Ն

ՊԵՏԵՐԲՈՒՐԳ

Պատճօնական

ԲԱՐՁՐԱԳՈՅՆ Ուկաղ Կառավարիչ Սենատին: Վերականգնելով Կովկասում Մեր փոխարքայութիւնը, Մենք Պովկասի կառավարութեան համար Մեր վստահութեամբ ընտրուած անձի վրայ պարտաւորութիւն դրինք վերականգնել այդ բարեկից երկրում խանգարուած հասարակական կեանքի խաղաղութիւնը: Ներկայումս Փոխարքան՝ իրեն հաւատացած երկրի պայմաններին ծանօթանալուց յետոյ, Մեզ ներկայացրած է իւր կարծիքը փոփոխելու հայ ազգաբնակչութեան վերաբերեալ մի քանի կարգադրութիւններ, որոնք արդեւ էին լինում նրա կանոնաւոր և խաղաղ զարգացման: Օգտակար գտնելով հաստատել Մեր Փոխարքայի առաջարկութիւնը, Մենք շնորհում ենք Հայ-Լուսաւորչական հոգեւորականութեան ժողովրդի լուսաւորութեան համար անհրաժեշտ գործունէութեան ընդարձակ միջոցներ: Ընդ սմին հրամայելով ստորև յիշատակած ձևով վերադարձնել հայոց եկեղեցական հիմնարկութեանց պատկանող գրաւուած կալուածները (գոյքը), Մենք թոյլատրում ենք Մեր Փոխարքային նորա տեսչութեան յանձնուած երկրի սահմաններում հէնց այժմեանից ժամանակաւորապէս գործադրել այդ մինչև

օրէնսդրական եղանակաւ կը քննուին կազմուած կանոնները, որոնք պէտք է ապահովին ծխականների մասնակցութիւնը եկեղեցական գոյքի կառավարութեան գործում, իսկ այսուհետեւ ծագող թիւրխմացութեանց առաջնառնելու համար, որոնք կարող են առաջանալ գոյութիւն ունեցող օրէնսդրութեան թերութիւնից, Փոխարքան պարտաւոր է մշակել իշխանութեան և Հայոց եկեղեցւոյ հաստատութիւնների յարաբերութեանց սահմանները: Ըստ այսմ հրամայում ենք. 1) Վերացնելով 1903 թուի յունիսի 12-ի օրէնքը, դարձնել Հայ-Լուսաւորչական եկեղեցւոյ կառավարութեան և իրաւասութեան այն բոլոր անշարժ կալուածներն ու դրամագլուխները, որոնք պատկանում էին Հայ-Լուսաւորչական եկեղեցիներին, վանքերին, հոգևոր հաստատութիւններին և հոգևոր կրթական հիմնարկութիւններին այն եկամուտների հետ, որ ստացուել են պետական կառավարութեան ժամանակաշրջանում, բառնալով կալուածներն ընդունելու և կառավարելու ժամանակ տեղի ունեցած ծախսերը: Կալուածների և եկամուտների եկեղեցական հիմնարկութեանց յանձնելը կատարել Մեր Փոխարքայի, Ներքին գործոց Նախարարի և երկրագործութեան ու հողատիրութեան կանոնաւորութեան գլխաւոր կառավարչի համաձայնութեամբ:

2) Հայ հոգևորականութեան խնդիրների և միջնորդութիւնների վերջնական լուծումը այդ կալուածներն ու եկամուտներն դարձնելու մասին՝ յանձնել Մեր Կովկասեան Փոխարքային:

3) Մինչև Հայոց եկեղեցական ծխական դպրոցների նոր կանոնադրութիւն մշակելը, յանձնարարել Կովկասեան Փոխարքային՝ թոյլատրել Կովկասի փոխարքայութեան սահմաններում բանալ եկեղեցիներին և վանքերին կից եկեղեցական ծխական դպրոցներ 1874 թուի յուլիսի 19-ին Բարձրագոյն հաստատուած կանոնների համաձայն: 4) Յանձնարարել Փոխարքային ա) առանց յետաձգելու որոշեալ կարգով ներկայացնել այլ հաստատութեանց հետ բանակցելուց անկախ՝ նոր կանոնադրութիւն

Հայոց եկեղեցական դպրոցների և այն կալուածներն ու գոյքը վերադարձնելու մասին, որոնք՝ համաձայն 1898 թուի մարտի 26-ի և 1903 թուի յունիսի 12-ի մինիստրների կոմիտէի Բարձրագոյն հաստատուած կանոններով յանձնուած էին լուսաւորութեան նախարարութեան. բ) մշակել գանձարանի աշակցութեամբ Հայ-Լուսաւորչական եկեղեցիներին պատկանող բնակեցրած տեղերի մասին օրէնքներ և առաջարկել այդ եղրակացութիւնները Մեզ օրինական կարգով ի հաստատութիւն: Վերոյիշեալներն ի կատար ածելու համար յանձնուած ենք Սենատին տնօրինել ինչ որ պէտքն է:

Իսկականի վրայ ստորագրուած է նորին Կայսերական Մեծութեան ձեռամբ **ՆԻԿՈԼՍԵ:**

Պետերհով 1-ն Օգոստոսի
1905 թիւ.